

oblongus, arctus, sexangularis, subhexaphyllus: foliis lanceolatis, subcarinatis, aequalibus: foliolis totidem externis basin calycis tegentibus. Semina coronata margine scabro pappoque aristato. W.

*4. **HYOSERIS** *hispida.*

H. scapis unifloris hispidis, foliis oblongis runcinato-dentatis hispidis, pilis furcatis. W.

H. (*hispida*) scapis unifloris, foliis lanceolatis sinuato-dentatis hispidis. Schousb. marocc. 197.

Scharfblättriger Schweinesalat. W.

Habitat in imperio Maroccano. ☉ 4 (v. v.)

Folia oblonga runcinato-dentata, dentibus inferioribus profundioribus, hispida, pilis copiosis bi-vel trifurcatis obsita; scabra. Scapi longitudine foliorum hispidi. Facie similis Apargiae hispidae. Pappus subplumosus. W.

*5. **HYOSERIS** *pygmaea.* †

H. scapis unifloris, foliis spathulatis dentatis ciliatis, calycibus pilosis, pilis ciliis furcatis, pappo stipitato plumoso. Ait. Kew. 3. p. 103.

Zwerg-Schweinesalat. W.

Habitat in Madera. ☉

† † *Caulescentes.*

*6. **HYOSERIS** *hirta.* †

H. caule basi nudo, floribus subumbellatis, foliis pinnatifidis dentatis. W.

Nacktstieliger Schweinesalat. W.

Habitat — — — — (v. f.)

Sub hoc nomine mecum Clariss. Balbis specimen communicavit. Planta facie hujus generis sed potius ad Crepidem pertinere videtur. Folia radicalia copiosa, pinnatifida fere glabra pilis rarissimis ad petioli basin obsita; laciniis superioribus et terminali dentatis. Caulis nudus apice umbellatus. Folia lanceolata dentata sub umbella. Pedunculi uniflori sex vel octo, unico plerumque bifloro, sub flore farinosi. Calyces calyculati farinosi. Pappus stipitatus pilosus. W.